

**MØTEPROTOKOLL**

Utval: Formannskapet
Møtedato 02.06.2022
Møtetid: Kl. 08:30-16:00
Møtestad: Kommunestyresalen

Av 9 medlemmer møtte 9, inkludert varamedlemmer.

Desse medlemmene møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Martin Haugen	Bl
Gunn Totland Moss	KrF
Øyvind Strømmen	MDG
Øyvind Røen	Sp

Desse medlemmene møtte ikkje:	Parti:	I staden møtte:	Parti:
Odd Arne Haga	Frp	Karl Bård Kollbotn	Frp

Møtenotater:

Andre som var til stades på møtet:

- Ove Sæbø, rådmann
- Karl Viken, kommunalsjef økonomi og organisasjon
- Hilde-Lill Våge, kommunalsjef samfunnsutvikling
- Edith Oma, kommunalsjef helse og omsorg
- Bodil H. Øpstebo, kommunalsjef oppvekst (i sak 026/2022)
- Jan Erik Boge, rådgjevar

Møteleiar:	Knut Harald Frøland
Møtesekretær:	Jan Erik Boge

Desse sakene vart handsama:

Sakliste

Sak nr.	Arkivsak	Sakstittel	Merknad
015/2022	22/335	Godkjenning av innkalling og sakliste	
016/2022	22/335	Faste saker	
017/2022	22/261	Årsmelding 2021	
018/2022	22/327	Godkjenning av kommunerekneskapen for 2021	
019/2022	22/304	Finansrapportering 1. tertial 2022	
020/2022	22/304	Økonomirapportering pr. april 2022	
021/2022	21/302	Prinsipp for handsaming av generelle søknader om tilskot til Samnanger kommune	
022/2022	20/730	Evaluering av prøveordning med talerett i kommunestyret	
023/2022	21/353	Reglar for interpellasjonar i Samnanger kommune	
024/2022	22/278	Kommunal ordning med fritidskort for barn i Samnanger 6-18 år	
025/2022	22/257	Frivilligprisen 2022	
026/2022	22/311	Plan for pedagogisk utvikling i sektor oppvekst 2022-2025	
027/2022	21/268	Bårerom Samnangerheimen	
028/2022	18/1011	Vedtak av kommunal planstrategi 2022 - 2024	
029/2022	22/326	Premissar for Budsjett 2023 og Økonomiplan 2023-2026	

SAKNR. 015/2022: Godkjenning av innkalling og sakliste

02.06.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 015/2022 Vedtak:

Innkalling og sakliste vert godkjent.

Rådmannen sitt framlegg til vedtak:

- Innkalling og sakliste vert godkjent.

SAKNR. 016/2022: Faste saker

02.06.2022 Formannskapet:

Handsaming i møtet:

Eventuelle merknader til protokoll frå førre møte:

Ingen merknader.

Ordføraren orienterer:

- Eventuelt behov for køyrereglar for politiske organ.
- Status for utviklingsprosjekt Fossen bratte.
- Status for arbeid med mogleg legevaktssamarbeid med Bergen og Osterøy.

Rådmannen orienterer:

Orientering v/rådmann Ove Sørbø:

- Presentasjon av ny administrativ organisering som tredde i kraft 01.06.2022.
- Kommunal planstrategi, ref. formannskapssak 028/2022.
- Premissdokument, ref. formannskapssak 029/2022.
- Lagbygging. Rådmannen vil ha fokus på dette .
- Næring. Informasjon om besøksrunde til diverse næringsdrivande 27.04.2022, deltaking på årsmøte 04.05.2022 i Samnanger Næringsforum, m.m.
- Gjennomgang av sentrale oppgåver for rådmannen.

Orientering v/kommunalsjef Edith Oma:

- Status for arbeidet med eventuell kommunal vikarpool.
- Rekrutteringssituasjonen i helse og omsorg. Orientering om iverksette tiltak og andre moglege tiltak.
- Nye leasingbilar i pleie og omsorg.
- Legevakt. Orientering om kommunestyrevedtak i Bjørnafjorden om legevakt i Eikelandsosen i kjernetida. Sak om legevakt vil også koma opp til politisk handsaming i Samnanger.
- Legesituasjonen. Det ser ut til at det vil vera behov for to vikarar i fastlegestillingar frå hausten 2022.
- Status mottak av flyktningar frå Ukraina. Kommunen har til no teke imot tolv flyktningar, sju vaksne og fem barn. Det vil koma nokre fleire i løpet av kort tid.
- Prosjektet "Familie for første gong". Samnanger er med i dette prosjektet.
- Status for arbeidet med handlingsplan mot sjølvskading og sjølv mord. Kjem truleg opp til politisk handsaming i september.

- Status for arbeidet med plan for førebyggjande arbeid for barn og unge. Målsetting om å få planen opp til politisk handsaming i kommunestyret i juni 2023.
- Sommarvikarar/bemannning i pleie og omsorg i hovudferieperioden sommaren 2022. Informasjon om status.
- Omsorg+. Orientering om status for planleggingsarbeidet, ombyggingskostnader og ulike problemstillingar. Det er behov for å gjera ein del avklaringar/val om vegen vidare.

Orientering v/kommunalsjef Hilde-Lill Våge:

- Status for ulike prosjekt m.m.:
 - trafikkisikringstiltak Gjerdsvegen
 - utbetring av veg Hagabakkane - Hagabotnane
 - carport ved Samnangerheimen
 - branngarasje og lokale for teknisk drift
 - VA-prosjekt Ytre-Tysse
 - ny omsorgsbustad i Reistadlane
 - gangsti til Hagabotnane
 - tilsetjingar i sektor for samfunnsutvikling.
 - framdrift for diverse vedtekne driftstiltak
 - first responderbil
 - forprosjekt veg/VA Bygdavegen
 - vedlikehalds-/oppgraderingsbehov kommunale vegar og bruer.

Utvalet sitt kvarter:

Bubilparkering på Bjørkheim

Lena Tveit (BI) viste til at mange bubilar parkerer i det kommunale kaiområdet på Bjørkheim, der dei står gratis. Ho spurde om det er sett i gang arbeid med innføring av betaling for bubilparkering der. Kommunalsjef Hilde-Lill Våge orienterte om at det vedtakast eit reglement dersom kommunen skal kunne ta betalt for bubilparkering på Bjørkheim. Ho viste også til arbeidet med områdeplan for Bjørheimsområdet.

Samarbeidsutvalsmøte ved Samnanger barneskule 10.05.2022

Shirin Kvernes Khadoor (Ap) er kommunen sin representant i samarbeidsutvalet. Ho orienterte kort om saker som vart teke opp i møtet. Ho orienterte også om at det ifølgje lovverket truleg skal vera to kommunale representantar i samarbeidsutvala ved skulane - dette må undersøkjast/avklarast.

Ordførar Knut Harald Frøland (BI) tok opp at det kanskje bør vurderast å ta inn eit nytt fast punkt på møteagendaen for formannskapet/kommunestyret, om orienteringar frå politikarar som deltek som representantar for kommunen på møte i ulike organ.

Marknadsføring av nærmiljøtiltak/trivselstiltak

Gunn Totland Moss (KrF) viste til at nærmiljøtiltak/trivselstiltak og marknadsføring av dette kan vera viktig for å auka tilflytting og hindra fråflytting. Ho oppmoda om at dette blir prioritert i Samnanger.

Rådmannen sitt framlegg vart samrøystes vedtake.

FORM- 016/2022 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

· Orienterings-/referatsaker vert tekne til orientering.

SAKNR. 017/2022: Årsmelding 2021

02.06.2022 Formannskapet:

Handsaming i møtet:

Under debatten i saka kom det ønske frå formannskapet om å få ei orientering om sjukefråværet i kommunen på neste formannskapsmøte. Det bør også vurderast om det skal innførast fast praksis med jamleg sjukefråværsrapportering i formannskapet.

Rådmannen sitt framlegg vart samrøystes vedteke.

FORM- 017/2022 Vedtak:

Kommunestyret vedtek Årsmelding 2021 for Samnanger kommune.

Rådmannen sitt framlegg til vedtak:

Kommunestyret vedtek Årsmelding 2021 for Samnanger kommune.

SAKNR. 018/2022: Godkjenning av kommunerekneskapen for 2021

02.06.2022 Formannskapet:

Handsaming i møtet:

Disponering av overskot, sett fram av Øyvind Strømmen (Miljøpartiet Dei Grøne):

Innstilling til kommunestyret:

Kommunestyret disponerer 2 millionar kroner av overskotet til vedlikehald. Resten vert sett av til disposisjonsfondet.

Formannskapet ber om ei vurdering av kvar desse midlane best kan nyttast fram mot kommunestyret.

Handsaming:

Øyvind Strømmen (MDG) sette fram framlegg til eit tilleggspunkt i forhold til rådmannen sitt framlegg.

I røystinga i saka vart det først røysta over tilleggsframlegget til Øyvind Strømmen. Framlegget fall med 3 mot 6 røyster.

For	Imot
Shirin Kvernes Khadoor (Ap)	Knut Harald Frøland (Bl)
Jon Magne Borgevik (Ap)	Lena Tveit (Bl)
Øyvind Strømmen (MDG)	Martin Haugen (Bl)
	Gunn Totland Moss (Krf)
	Øyvind Røen (Sp)
	Karl Bård Kollbotn (Frp)

Det vart så røysta over rådmannen sitt framlegg, som vart samrøystes vedteke.

FORM- 018/2022 Vedtak:

Rekneskapen for 2021 vert godkjent slik han ligg føre. Rekneskapen for 2021 har eit overskot på kr 12 996 715. I avslutninga av rekneskapen for 2021 vart fyrst avsetjing til disposisjonsfond på kr 920 000 stroke i samsvar med forskrift § 4-3. Mindreforbruket ut over dette er avsett til disposisjonsfond.

Framført underskot på sjølvkost kan dekkast inn ved eit eventuelt overskot på eit seinare tidspunkt. Dette gjeld:

Vatn	Kr 12 457
Eikedal, vatn	Kr 113 493
Avløp	Kr 1 016 991

Tala i tabellen er akkumulerte meirforbruk.

Rådmannen sitt framlegg til vedtak:

Rekneskapen for 2021 vert godkjent slik han ligg føre. Rekneskapen for 2021 har eit overskot på kr 12 996 715. I avslutninga av rekneskapen for 2021 vart fyrst avsetjing til disposisjonsfond på kr 920 000 stroke i samsvar med forskrift § 4-3. Mindreforbruket ut over dette er avsett til disposisjonsfond.

Framført underskot på sjølvkost kan dekkast inn ved eit eventuelt overskot på eit seinare tidspunkt. Dette gjeld:

Vatn	Kr 12 457
Eikedal, vatn	Kr 113 493
Avløp	Kr 1 016 991

Tala i tabellen er akkumulerte meirforbruk.

SAKNR. 019/2022: Finansrapportering 1. tertial 2022

02.06.2022 Formannskapet:

Handsaming i møtet:

Rådmannen sitt framlegg vart samrøystes vedtatt.

FORM- 019/2022 Vedtak:

Finansrapportering for 1. tertial 2022 vert tatt til orientering.

Rådmannen sitt framlegg til vedtak:

Finansrapportering for 1.tertial 2022 vert tatt til orientering.

SAKNR. 020/2022: Økonomirapportering pr. april 2022

02.06.2022 Formannskapet:

Handsaming i møtet:

Kommunalsjef Karl Viken hadde innleiingsvis ein presentasjon av saka.

Rådmannen sitt framlegg vart samrøystes vedteke.

FORM- 020/2022 Vedtak:

Økonomirapportering pr april 2022 vert tatt til orientering.

Følgjande budsjettjusteringar vert gjennomførte:

- Budsjettauke straumutgifter i kommunen
- Budsjettauke kursbudsjett i kommunen
- Budsjettauke grunna nytilsetjing og avspasering innan legeteneste
- Skatteinntektene vert budsjettert opp

Budsjettendringane er summert opp i følgjande tabell:

Moment / Heile kr	Utgift opp / inntekt ned	Utgift ned / inntekt opp
Straumutgifter	700 000	
Kurs og kompetanseheving	200 000	
Legeteneste	400 000	
Skatteinntekter		1 300 000
Total sum	1 300 000	1 300 000

Budsjettreguleringane er gjort greie for i saksutgreiinga.

Utover det ser ein an økonomisituasjonen for dei ulike budsjettområda og kommunen totalt sett fram til rapportering pr. 2. tertial før ein justerer budsjettet ytterlegare.

Dokumentasjonskrav i punkt 11 – Innkjøp med verdi under 100 000 kroner – i Innkjøpsreglementet til Samnanger kommune vert fjerna.

Rådmannen sitt framlegg til vedtak:

Økonomirapportering pr april 2022 vert tatt til orientering.

Følgjande budsjettjusteringar vert gjennomført;

- Budsjettauke straumutgifter i kommunen
- Budsjettauke kursbudsjett i kommunen
- Budsjettauke grunna nytilsetjing og avspasering innan legeteneste
- Skatteinntektene vert budsjettert opp

Budsjettendringane er summert opp i følgjande tabell:

Moment / Heile kr	Utgift opp / Inntekt ned	Utgift ned / inntekt opp
Straumutgifter	700 000	
Kurs og kompetanseheving	200 000	
Legeteneste	400 000	
Skatteinntekter		1 300 000
Total sum	1 300 000	1 300 000

Budsjettreguleringane er gjort greie for i saksutgreiinga.

Utover det ser ein an økonomisituasjonen for dei ulike budsjettområda og kommunen totalt sett fram til rapportering pr. 2. tertial før ein justerer budsjettet ytterlegare.

Dokumentasjonskrav i punkt 11 – Innkjøp med verdi under 100 000 kroner - i Innkjøpsreglementet til Samnanger kommune vert fjerna.

SAKNR. 021/2022: Prinsipp for handsaming av generelle søknader om tilskot til Samnanger kommune

02.06.2022 Formannskapet:

Handsaming i møtet:

Knut Harald Frøland (BI) sette fram eit endringsframlegg i forhold til rådmannen sitt framlegg.

Endringsframlegget var at følgjande setning i det tredje kulepunktet går ut: "*Det vert kun vurdert å gje støtte til nye tiltak som ikkje er vorte gjennomført tidlegare, og som har ein snarleg tidsfrist for gjennomføring*".

Med denne justeringa vart rådmannen sitt framlegg samrøystes vedteke.

FORM- 021/2022 Vedtak:

Samnanger kommune har tre kommunale søknadsordningar. Det er tilskotsordningane *Kulturmidlar*, *Vilt- og fiskefondet* og *Tilskot til ungdomstiltak*. For søknader som kjem til kommunen utanom desse ordningane, vert følgjande prinsipp lagt til grunn:

- Søkar vert informert om kommunen sine søknadsordningar, retningslinjer og fristar. Søkar vert bedt om å søka ut frå gjeldande retningslinjer.
- Søkar vert informert om andre nasjonale eller regionale tilskotsordningar som kan vera aktuelle for søknaden. Søkar vert bedt om å søka ut frå gjeldande retningslinjer.
- Søknader av særskilt monnaleg verdi for Samnanger kommune kor søknadssummen er over kr 10 000 vert tatt opp til politisk handsaming. Søknadssummen må overstiga kr 10 000 og verta vurdert av rådmann til å ha særskilt monnaleg verdi for kommunen.
- Søknader av særskilt monnaleg verdi for Samnanger kommune der søknadssummen er under kr 10 000 vert handsama som delegert vedtak ved rådmann. Søknader om tilskot til drift og vedlikehald eller andre tiltak som kan søkast om innan ordinære fristar, vert ikkje vurdert.

Rådmannen sitt framlegg til vedtak:

Samnanger kommune har tre kommunale søknadsordningar. Det er tilskotsordningane *Kulturmidlar*, *Vilt- og fiskefondet* og *Tilskot til ungdomstiltak*. For søknader som kjem til kommunen utanom desse ordningane vert følgjande prinsipp lagt til grunn:

- Søkar vert informert om kommunen sine søknadsordningar, retningslinjer og fristar. Søkar vert bedt om å søka ut frå gjeldande retningslinjer.
- Søkar vert informert om andre nasjonale eller regionale tilskotsordningar som kan vera aktuelle for søknaden. Søkar vert bedt om å søka ut frå gjeldande retningslinjer.
- Søknader av særskilt monnaleg verdi for Samnanger kommune kor søknadssummen er over kr 10 000 vert tatt opp til politisk handsaming. Søknadssummen må overstiga kr 10 000 og verta vurdert av rådmann til å ha særskilt monnaleg verdi for kommunen.
- Søknader av særskilt monnaleg verdi for Samnanger kommune kor søknadssummen er under kr 10 000 vert handsama som delegert vedtak ved rådmann. Det vert kun vurdert å gje støtte til nye tiltak som ikkje er vorte gjennomført tidlegare, og som har ein snarleg tidsfrist for gjennomføring. Søknader om tilskot til drift og vedlikehald eller andre tiltak som kan søkast om innan ordinære fristar vert ikkje vurdert.

SAKNR. 022/2022: Evaluering av prøveordning med talerett i kommunestyret

02.06.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 022/2022 Vedtak:

Kommunestyret vedtok 25.02.2021 eitt-årig prøveordning med talerett i kommunestyret for ungdomsrådet, eldrerådet og rådet for personar med nedsett funksjonsevne. Prøveordninga vert med verknad frå 16.06.2022 omgjort til fast ordning. Vedtaket vert gjort med heimel i § 2 i forskrift om medvirkningsordningar.

Rådmannen får ansvar for å få på plass rutinar som sikrar god informasjon til ungdomsrådet, eldrerådet og rådet for personar med nedsett funksjonsevne om kva saker som skal opp i kommunestyret.

Som følgje av vedtaket vert ordlyden i punkt 2.30 i Samnanger kommune sitt reglement for kommunestyret, formannskapet, naturutvalet og kontrollutvalet endra til:

«2.30 Talerett og uttalerett

Ungdomsrådet, eldrerådet og rådet for personar med nedsett funksjonsevne har talerett i kommunestyret. Taleretten gjeld i saker som gjeld høvesvis ungdom (ungdomsrådet), eldre (eldrerådet) og personar med nedsett funksjonsevne (rådet for personar med nedsett funksjonsevne). Maksimal taletid per sak er fem minutt. Innlegg skal haldast i starten av saka og før debatten opnar. Ordføraren skal på førehand, i rimeleg tid før møtet, informerast om at taleretten vil verta brukt og kva saker dette gjeld.

I tillegg kan valde representantar for brukargrupper av kommunale tenester i særlege høve, når kommunestyret finn dette føremålstenleg, få høve til å uttala seg eller gje kommentarar til ei einskild sak. Slike grupper skal på førehand, i rimeleg tid før møtet, melda frå til ordføraren om eit slikt ønske. Det er kommunestyret gjennom fleirtalsvedtak som kan gje slikt løyve.»

Rådmannen sitt framlegg til vedtak:

Kommunestyret vedtok 25.02.2021 eitt-årig prøveordning med talerett i kommunestyret for ungdomsrådet, eldrerådet og rådet for personar med nedsett funksjonsevne. Prøveordninga vert med verknad frå 16.06.2022 omgjort til fast ordning. Vedtaket vert gjort med heimel i § 2 i forskrift om medvirkningsordningar.

Rådmannen får ansvar for å få på plass rutinar som sikrar god informasjon til ungdomsrådet, eldrerådet og rådet for personar med nedsett funksjonsevne om kva saker som skal opp i kommunestyret.

Som følge av vedtaket vert ordlyden i punkt 2.30 i Samnanger kommune sitt reglement for kommunestyret, formannskapet, naturutvalet og kontrollutvalet endra til:

«2.30 Talerett og uttalerett

Ungdomsrådet, eldrerådet og rådet for personar med nedsett funksjonsevne har talerett i kommunestyret. Taleretten gjeld i saker som gjeld høvesvis ungdom (ungdomsrådet), eldre (eldrerådet) og personar med nedsett funksjonsevne (rådet for personar med nedsett funksjonsevne). Maksimal taletid per sak er fem minutt. Innlegg skal haldast i starten av saka og før debatten opnar. Ordføraren skal på førehand, i rimeleg tid før møtet, informerast om at taleretten vil verta brukt og kva saker dette gjeld.

I tillegg kan valde representantar for brukargrupper av kommunale tenester i særlege høve, når kommunestyret finn dette føremålstenleg, få høve til å uttala seg eller gje kommentarar til ei einskild sak. Slike grupper skal på førehand, i rimeleg tid før møtet, melda frå til ordføraren om eit slikt ønske. Det er kommunestyret gjennom fleirtalsvedtak som kan gje slikt løyve.»

SAKNR. 023/2022: Reglar for interpellasjonar i Samnanger kommune**02.06.2022 Formannskapet:**

Handsaming i møtet:

Sak 023/22, sett fram av Øyvind Røen (Senterpartiet):

Saka går vidare til kommunestyret utan innstilling

Handsaming:

Etter den inneleiande debatten bad Karl Bård Kollbotn (Frp) om gruppemøte.

Etter gruppemøtet sette Øyvind Røen (Sp) fram framlegg til vedtak. Framlegget vart samrøystes vedteke.

FORM- 023/2022 Vedtak:

Saka går vidare til kommunestyret utan innstilling.

Rådmannen sitt framlegg til vedtak:

Det vert sett ned eit arbeidsutval som får i oppgåve å utarbeida og leggja fram forslag til reviderte reglar for spørsmål og interpellasjonar i kommunestyret. Forslaget skal leggjast fram for handsaming i kommunestyret seinast i desember 2022.

Arbeidsutvalet har følgjande fem medlemmer:

-
-

-
-
-
Arbeidsutvalet vel sjølv leiar og nestleiar. Det skal utbetalast full sats for møtegodtgjering til medlemmene i utvalet.

Rådmannen må sørgja for nødvendig sekretærhjelp til utvalet.

SAKNR. 024/2022: Kommunal ordning med fritidskort for barn i Samnanger 6-18 år

02.06.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 024/2022 Vedtak:

Saka vert teken til orientering. Rådmann kjem med framlegg til lokal kommunal ordning, budsjett og finansiering i framlegg til *Budsjett 2023 og økonomiplan 2023-2026*.

Rådmannen sitt framlegg til vedtak:

Saka vert teke til orientering. Rådmann kjem med framlegg til lokal kommunal ordning, budsjett og finansiering i framlegg til *Budsjett 2023 og økonomiplan 2023-2026*.

SAKNR. 025/2022: Frivilligprisen 2022

02.06.2022 Formannskapet:

Handsaming i møtet:

Sak 025/22: Frivilligprisen 2022, sett fram av Øyvind Røen (Senterpartiet):

Eva Hellevang får frivilligprisen for 2022

Handsaming:

Gunn Totland Moss (KrF) bad om å få gildskapen sin vurdert. Bakgrunnen for dette var at ho er nær venninne med ein av dei føreslegne kandidatane. Ho informerte om at ho ønska å vera ugild i saka, og gjekk frå medan formannskapet vurderte gildskapen hennar. Ho vart samrøystes funnen ugild, med heimel i Forvaltningslova § 6 andre ledd. Som følge av dette deltok ho ikkje i handsaminga av saka.

Øyvind Røen (Sp) sette fram framlegg til vedtak. Framlegget vart samrøystes vedteke.

FORM- 025/2022 Vedtak:

Eva Hellevang får frivilligprisen for 2022.

Rådmannen sitt framlegg til vedtak:

Rådmannen har ikkje framlegg til vedtak i saka.

SAKNR. 026/2022: Plan for pedagogisk utvikling i sektor oppvekst 2022-2025

02.06.2022 Formannskapet:

Handsaming i møtet:

Kommunalsjef Bodil H. Øpstebø orienterte innleiingsvis om saka. Ho orienterte også om at det er ein liten feil i inndelinga i planframlegget, og at dette vil bli retta opp.

Rådmannen sitt framlegg vart samrøystes vedteke.

FORM- 026/2022 Vedtak:

Samnanger kommune godkjenner temaplan for pedagogisk utvikling i sektor oppvekst 2022-2025 slik den ligg føre.

Rådmannen sitt framlegg til vedtak:

Samnanger kommune godkjenner temaplan for pedagogisk utvikling i sektor oppvekst 2022-2025 slik den ligg føre.

SAKNR. 027/2022: Bårerom Samnangerheimen

02.06.2022 Formannskapet:

Handsaming i møtet:

Sak 027/22: Bårerom på Samnangerheimen, sett fram av Øyvind Røen (Senterpartiet):

Samnanger kommune vil sikra ei god og verdig handsaming av den som er død. Dette skjer gjennom at den døde vert stelt og lagd i kiste på rommet sitt, som ev. kan vera tilpassa til livssynet til den døde. Dette vil gje mest mogeleg skjerming og ro for den døde og dei pårørande.

Ved visning og/eller bårandakt kan ein nytta rommet til den døde eller Storstova.

Når ein avliden vert liggjande lenge, eller det er høg temperatur, skal mobil kjølar nyttast.

Handsaming:

Øyvind Røen (Sp) sette fram framlegg til vedtak. Framlegget vart samrøystes vedteke.

FORM- 027/2022 Vedtak:

Samnanger kommune vil sikra ei god og verdig handsaming av den som er død. Dette skjer gjennom at den døde vert stelt og lagd i kiste på rommet sitt, som ev. kan vera tilpassa til livssynet til den døde. Dette vil gje mest mogeleg skjerming og ro for den døde og dei pårørande.

Ved visning og/eller bårandakt kan ein nytta rommet til den døde eller Storstova.

Når ein avliden vert liggjande lenge, eller det er høg temperatur, skal mobil kjølar nyttast.

Rådmannen sitt framlegg til vedtak:

Samnanger kommune vil sikra ei god og verdig behandling av avdød. Dette skjer gjennom at avdød blir stelt og lagt i kiste på rommet som er livsnøytralt og gjer mest mogeleg skjerming og ro for avdød og pårørande.

Ved visning og eller bæreandakt kan ein nytta rommet til avdød eller storstova.

Når avdød blir liggande over tid eller det er høg temperatur nyttast mobil kjølar.

SAKNR. 028/2022: Vedtak av kommunal planstrategi 2022 - 2024

02.06.2022 Formannskapet:

Handsaming i møtet:

Heilskapleg endringsframlegg frå MDG, sett fram av Øyvind Strømmen (Miljøpartiet Dei Grøne):

Med heimel i plan- og bygningslova § 10-1 vedtek Samnanger kommune:

1. kommunal planstrategi 2022 – 2024 slik han ligg føre, med følgande presiseringar:

- a. klima- og energiplan skal innarbeidast som ein del av kommuneplanen sin samfunnsdel
- b. i samband med dette skal det også utarbeidast ein handlingsplan for å redusera lysureining, jamfør vedtak i kommunestyret 25. februar 2021

2. at både kommuneplanen sin samfunnsdel og arealdel skal reviderast.

Tilleggsframlegg frå MDG, sett fram av Øyvind Strømmen (Miljøpartiet Dei Grøne):

Kommunestyret ber samstundes om at arbeid med kulturminneplan og ruspolitisk handlingsplan vert starta opp tidleg i neste periode.

Sak 028/2022: Kommunal planstrategi, sett fram av Øyvind Røen (Senterpartiet):

Når ny planstrategi skal vedtakast i neste kommunestyreperiode, må rullering av ruspolitisk plan og kulturminneplan prioriterast.

Heilskapleg endringsframlegg frå Sp og MDG, sett fram av Øyvind Strømmen (Miljøpartiet Dei Grøne):

Med heimel i plan- og bygningslova § 10-1 vedtek Samnanger kommune:

1. kommunal planstrategi 2022 – 2024 slik han ligg føre, med følgande presiseringar:

- a. klima- og energiplan skal innarbeidast som ein del av kommuneplanen sin samfunnsdel
- b. i samband med dette skal det også utarbeidast ein handlingsplan for å redusera lysureining, jamfør vedtak i kommunestyret 25. februar 2021

c. strategisk næringsplan er ein av planane som skal utarbeidast

2. at både kommuneplanen sin samfunnsdel og arealdel skal reviderast.

Kommunestyret ser på det som ynskjeleg at rullering av ruspolitisk handlingsplan og av kulturminneplanen vert prioritert ved utarbeiding av ny planstrategi tidleg i neste kommunestyreperiode.

Handsaming:

Rådmann Ove Sæbø orienterte om at strategisk næringsplan har falle ut av planoversikta i

framlegget, og om at denne planen skal vera med i oversika.

Øyvind Strømmen (MDG) sette fram framlegg og tilleggsframlegg til vedtak.

Øyvind Røen (Sp) sette fram framlegg til vedtak.

Øyvind Strømmen bad om gruppemøte.

Etter gruppemøtet sette Øyvind Strømmen fram eit fellesframlegg frå Sp og MDG. Øyvind Strømmen og Øyvind Røen trekte samstundes framlegga dei hadde sett fram tidlegare under handsaminga av saka.

Fellesframlegget frå Sp og MDG vart samrøystes vedteke.

FORM- 028/2022 Vedtak:

Med heimel i plan- og bygningslova § 10-1 vedtek Samnanger kommune:

1. kommunal planstrategi 2022 – 2024 slik han ligg føre, med følgande presiseringar:
 - a. klima- og energiplan skal innarbeidast som ein del av kommuneplanen sin samfunnsdel
 - b. i samband med dette skal det også utarbeidast ein handlingsplan for å redusera lysureining, jamfør vedtak i kommunestyret 25. februar 2021
 - c. strategisk næringsplan er ein av planane som skal utarbeidast
2. at både kommuneplanen sin samfunnsdel og arealdel skal reviderast.

Kommunestyret ser på det som ynskjeleg at rullering av ruspolitisk handlingsplan og av kulturminneplanen vert prioritert ved utarbeiding av ny planstrategi tidleg i neste kommunestyreperiode.

Rådmannen sitt framlegg til vedtak:

Med heimel i plan- og bygningslova § 10-1 vedtek Samnanger kommune:

1. kommunal planstrategi 2022 – 2024 slik den ligg føre.
2. at både kommuneplanen sin samfunnsdel og arealdel skal reviderast.

SAKNR. 029/2022: Premissar for Budsjett 2023 og Økonomiplan 2023- 2026

02.06.2022 Formannskapet:

Handsaming i møtet:

Framlegg til nytt punkt 7 og nytt punkt 8, frå MDG, sett fram av Øyvind Strømmen (Miljøpartiet Dei Grøne):

- Som bidrag til auka økonomisk handlefridom i framtida skal vedlikehald prioriterast høgare i budsjett og økonomiplan, slik at framtidige kostnader grunna mangelfullt vedlikehald vert redusert
- Som bidrag til auka økonomisk handlefridom, og som del av kommunen sitt arbeid med klima og energi, skal energiøkonomisering og energieffektivisering prioriterast i økonomiplanperioden

Fokus på nyetablering i Rolvsvåg industriområde, sett fram av Karl Bård Kollbotn (Framstegspartiet):

Samnanger kommune skal ta inn i premiss for budsjett at det skal brukast tid og pengar på å etablere nye varige arbeidsplasser i Rolvsvåg industriområde. Samnanger Frp støttar også en egen dedikert stilling som skal ivareta nyetablering av arbeidsplasser i Samnanger kommune.

Fokus på nyetablering av bedrifter i Samnanger kommune, sett fram av Karl Bård Kollbotn (Framstegspartiet):

Samnanger kommune skal ta inn i premiss for budsjett at det skal brukes tid og penger på å etablere nye varige arbeidsplasser i Samnanger kommune. Formannskapet støtter også en egen dedikert stilling som skal ivareta nyetablering av arbeidsplasser i Samnanger kommune.

Handsaming:

Kommunalsjef Karl Viken hadde innleiingsvis ein presentasjon av saka og rådmannen sitt framlegg.

Knut Harald Frøland (Bl) sette fram framlegg om tre tilleggspunkt til rådmannen sitt framlegg:

“Sommarjobb for ungdom mellom 15 og 18 år

Rådmannen får i oppgåve å vurdere og foreslå løysing for å kunne tilby sommarjobb i 1-2 veker for alle ungdomar busett i Samnanger i alderen 15-18 år.

Stell av kommunen sine grøntanlegg

Rådmannen får i oppgåve å vurdere og foreslå samarbeidsløysingar mellom kommunen og frivillige til stell av grøntanlegga til Samnanger kommune. Dette bør og sjåast i lys av eventuell ny ordning for sommarjobb for ungdom mellom 15 og 18 år.

Ny mobilmast for området Rolvsvåg-Saga

Rådmannen får i oppgåve å vurdere og foreslå tiltak for å betre mobildekninga i Rolvsvåg industriområde, samt i tilgrensande område. Ordførar overleverer til rådmannen informasjon innhenta så langt i prosessen.”

Øvind Strømmen (MDG) sette fram framlegg om to tilleggspunkt til rådmannen sitt framlegg.

Karl Bård Kollbotn (Frp) sette fram framlegg om eitt tilleggspunkt til rådmannen sitt vedtaksframlegg.

Martin Haugen (Bl) sette fram framlegg om eitt tilleggspunkt til rådmannen sitt framlegg:

«I 2017 vart det etablert kunstgrasbane i Hagabotnane. Bakgrunnen for dette var blant anna moglegheita for auke i brukstimar på ei kunstgrasbane samanlikna med den gamle naturgrasbana. Dette har vore eit stort løft for fotballen og idretten i Samnanger. Dessverre viser det seg at kunstgrasbana i Hagabotnane ikkje kan nyttast store delar av året grunna vinterstenging og at bana ikkje vert brøyta. I Hagabotnane er det lite sol vinterstid, og snøen vert ofte liggande lenge utover vinteren. Som ein konsekvens av dette må fotballag fra Samnanger leige bane andre stader for å kunna driva med fotballaktivitet, for eksempel Vestlandshallen i Åsane, Holmeffjord eller i Eikelandssosen. Dette betyr utgifter knytt til både baneleige og transport, noko som i ytste konsekvens kan vera ekskluderande for barn og ungdom frå låginntektsfamiliar. I eit miljøperspektiv er det også uheldig at barn og ungdom må reisa ut av kommunen for å trenar og spela kampar. I andre kommunar er det vanleg at kunstgrasbaner vert haldne opne vinterstid, også baner med kork som fyllmasse som i Hagabotnane. Lag frå kommunar med vinteropne baner får eit konkurransefortrinn samanlikna med lag frå Samnanger. Til budsjettmøtet i desember vert det frå administrasjonen utgreidd kva som skal til for å halda kunstgrasbana open, og ev. kostnad med å halda kunstgrasbana vinteropen vert teken inn i budsjett for 2023.»

Før røystinga i saka sette Karl Bård Kollbotn fram eit revidert framlegg og trekte det første framlegget sitt.

Røysting:

Det vart først røysta over tilleggsframlegga som var sette fram i møtet. Alle tilleggsframlegga vart samrøystes vedtekne.

Det vart til slutt røysta over rådmannen sitt framlegg, inkludert vedtekne tilleggspunkt. Samrøystes vedteke.

FORM- 029/2022 Vedtak:

Premissar

Følgjande premissar og føresetnadar vert lagt til grunn for kommande budsjettprosess for årsbudsjett 2023 og økonomiplan 2023- 2026;

1. *Økonomiske rammer for årsbudsjett 2023 / økonomiplan 2023- 2026*

Einingane sine rammer vert utarbeidd på 2022- nivå. Nye tiltak og budsjettauke på spesifikke område vert innarbeidd innanfor ramma.

2. *Klimabudsjett*

Som del av budsjett 2023 vert det utarbeidd eit klimabudsjett for 2023 med tiltak i alle sektorar og budsjettområde.

3. *Økonomi og demografiutviklinga i kommunen*

I utarbeiding av økonomiplanen 2023- 2026 vil ein freiste å disponere og omprioritera midlar på ein slik måte at kommunen tilpassar seg demografiutfordringar.

4. *Tenestestruktur og lokasjonar*

Det vert starta eit arbeid med heilskapleg plan for framtidig behov.

5. *Næringssatsing*

Det vert starta ein prosess i 2022 for å få på plass næringsutviklar-stilling med oppstart ultimo 2022/ primo 2023. Det vert og sett av midlar til næringslivssatsing i 2023.

6. *Program for handlefridom*

Det skal gjennomførast eit program for auka handlingsfridom i økonomiplan- perioden.

Som bidrag til auka økonomisk handlefridom i framtida skal vedlikehald prioriterast høgare i budsjett og økonomiplan, slik at framtidige kostnader grunna mangelfullt vedlikehald vert redusert.

Som bidrag til økonomisk handlefridom, og som del av kommunen sitt arbeid med klima og energi, skal energiøkonomisering og energieffektivisering prioriterast i planperioden.

7. *Kompetansebehov*

Det vert sett av midlar i budsjett 2023 for å vurdere noverande og framtidig kompetansebehov.

8. *Finansielle handlingsreglar*

- Disposisjonsfondet skal aukast til 30 mill. kr i løpet av økonomiplanperioden.
- Det skal budsjetterast med minimum 2,5 % i korrigert netto driftsresultat i perioden.
- Utover avsetjing til disposisjonsfondet skal det avsetjast eventuelle mindreforbruk til eit kommunalt innovasjon- og utviklingsfond.
- Det vert i samband med budsjett 2023 presentert framlegg til vedtekter for fondet.
- Det vert sett av ein årleg udisponert sum i budsjett for 2023 under politisk nivå.

9. *Planarbeid*

Budsjett og økonomiplan skal koplast mot og samsvare med gjeldande oppdaterte kommunale planar. Det gjeld både for drift og investering.

10. *Eigedomsskatt 2023- 2026*

Dersom kommunen sin driftsøkonomi med dagens inntektsnivå held seg, kan eigedomsskatten for hus og fritidsbustadar fjernast i økonomiplan for 2023- 2026.

Rådmannen kjem i sitt budsjettframlegg attende til kva budsjettår dette er mogleg.

11

Samnanger kommune skal ta inn i premiss for budsjett at det skal brukast tid og pengar på å etablere nye varige arbeidsplasser i Samnanger kommune. Formannskapet støttar også en egen dedikert stilling som skal ivareta nyetablering av arbeidsplasser i Samnanger kommune.

12

I 2017 vart det etablert kunstgrasbane i Hagabotnane. Bakgrunnen for dette var blant anna moglegheita for auke i brukstimar på ei kunstgrasbane samanlikna med den gamle naturgrasbana. Dette har vore eit stort løft for fotballen og idretten i Samnanger. Dessverre viser det seg at kunstgrasbana i Hagabotnane ikkje kan nyttast store delar av året grunna vinterstenging og at bana ikkje vert brøytta. I Hagabotnane er det lite sol vinterstid, og snøen vert ofte liggande lenge utover vinteren. Som ein konsekvens av dette må fotballag fra Samnanger leige bane andre stader for å kunna driva med fotballaktivitet, for eksempel Vestlandshallen i Åsane, Holmefjord eller i Eikelandssosn. Dette betyr utgifter knytt til både baneleige og transport, noko som i ytste konsekvens kan vera ekskluderande for barn og ungdom frå låginntektsfamiliar. I eit miljøperspektiv er det også uheldig at barn og ungdom må reisa ut av kommunen for å trenast og spela kampar. I andre kommunar er det vanleg at kunstgrasbaner vert haldne opne vinterstid, også baner med kork som fyllmasse som i Hagabotnane. Lag frå kommunar med vinteropne baner får eit konkurransefortrinn samanlikna med lag frå Samnanger. Til budsjettmøtet i desember vert det frå administrasjonen utgreidd kva som skal til for å halda kunstgrasbana open, og ev. kostnad med å halda kunstgrasbana vinteropen vert teken inn i budsjett for 2023.

13 Sommarjobb for ungdom mellom 15 og 18 år

Rådmannen får i oppgåve å vurdere og foreslå løysing for å kunne tilby sommarjobb i 1-2 veker for alle ungdomar busett i Samnanger i alderen 15-18 år.

14 Stell av kommunen sine grøntanlegg

Rådmannen får i oppgåve å vurdere og foreslå samarbeidsløysingar mellom kommunen og frivillige til stell av grøntanlegga til Samnanger kommune. Dette bør og sjåast i lys av eventuell ny ordning for sommarjobb for ungdom mellom 15 og 18 år.

15 Ny mobilmast for området Rolvsvåg-Saga

Rådmannen får i oppgåve å vurdere og foreslå tiltak for å betre mobildekninga i Rolvsvåg industriområde, samt i tilgrensande område. Ordførar overleverer til rådmannen informasjon innhenta så langt i prosessen.

Rådmannen sitt framlegg til vedtak:

Premissar

Følgjande premissar og føresetnadar vert lagt til grunn for kommande budsjettprosess for årsbudsjett 2023 og økonomiplan 2023- 2026;

1. Økonomiske rammer for årsbudsjett 2023 / økonomiplan 2023- 2026

Einingane sine rammer vert utarbeidd på 2022- nivå. Nye tiltak og budsjettauke på spesifikke område vert innarbeidd innanfor ramma.

2. Klimabudsjett

Som del av budsjett 2023 vert det utarbeidd eit klimabudsjett for 2023 med tiltak i alle sektorar og budsjettområde.

3. Økonomi og demografiutviklinga i kommunen

I utarbeiding av økonomiplanen 2023- 2026 vil ein freiste å disponere og omprioritera midlar på ein slik måte at kommunen tilpassar seg demografiutfordringar.

4. *Tenestestruktur og lokasjonar*

Det vert starta eit arbeid med heilskapleg plan for framtidig behov.

5. *Næringssatsing*

Det vert starta ein prosess i 2022 for å få på plass næringsutviklar- stilling med oppstart ultimo 2022/ primo 2023. Det vert og sett av midlar til næringslivssatsing i 2023.

6. *Program for handlefridom*

Det skal gjennomførast eit program for auka handlingsfridom i økonomiplan- perioden.

7. *Kompetansebehov*

Det vert sett av midlar i budsjett 2023 for å vurdere noverande og framtidig kompetansebehov.

8. *Finansielle handlingsreglar*

- Disposisjonsfondet skal aukast til 30 mill. kr i løpet av økonomiplanperioden.
- Det skal budsjetterast med minimum 2,5 % i korrigert netto driftsresultat i perioden.
- Utover avsetjing til disposisjonsfondet skal det avsetjast eventuelle mindreforbruk til eit kommunalt innovasjon – og utviklingsfond.
- Det vert i samband med budsjett 2023 presentert framlegg til vedtekter for fondet.
- Det vert sett av ein årleg udisponert sum i budsjett for 2023 under politisk nivå.

9. *Planarbeid*

Budsjett og økonomiplan skal koplast mot og samsvare med gjeldande oppdaterte kommunale planar. Det gjeld både for drift og investering.

10. *Eigedomsskatt 2023- 2026*

Dersom kommunen sin driftsøkonomi med dagens inntektsnivå held seg kan eigedomsskatten for hus og fritidsbustadar fjernast i økonomiplan for 2023- 2026. Rådmannen kjem i sitt budsjettframlegg attende til kva budsjettår dette er mogleg.